



Lescha davart ils dretgs politics Regulativ da fatschentas

Revisiun parziala

M E S S A D I

dalla suprastonza communal a al cussegl da vischnaunca

Preziau signur president
Preziadas signuras cusseglieras
Preziai signurs cussegliers

Ils 3 da mars 2013 ha il suveran approbau l'iniziativa per la revisiun dalla constituziun communal cun la finamira dad eleger la cumissiun da gestiun entras la cuminonza dils votants. Cun quei ch'ei setracta d'in text formulau (art. 32, lit. b, art. 36 al. 1, lit. a, art. 52 ed 82), per la revisiun parziala dalla constituziun communal, va quella revisiun en vigor entras l'approbaziun dalla Regenza cantunala.

La suprastonza communal ha eligiu in gruppa da lavur cun il president communal, Heinrich Huonder e Wendelin Jacomet, la quala ha revediu la constituziun communal, la lescha davart ils dretgs politics, il regulativ da fatschentas ed il reglament per las elecziuns communalas.

L'incarica primara dalla grupp da lavur ei stada la midada dils decrets cun preveder l'elecziun dalla cumissiun da gestiun entras la cuminonza dils votants. La suprastonza communal ha approbau ils divers decrets e mess en vigur il reglament per las elecziuns communalas.

La Regenza cantunala ha approbau ils 21 da matg 2013 (protocol nr. 433) la revisiun parziala dalla constituziun communalala.

Constituziun communalala

Art. 13 Elecziuns, al. 3

³Per l'elecziun dil cussegl da vischnaunca, dil cussegl da scola e [la cumissiun da gestiun](#) vala dall'entschatta enneu il pli relativ.

Art. 21 Referendum facultativ

Currigiu l'enumeraziun fallida.

Art. 32 Votaziuns all'urna, lit. b

b) eleger il cussegl da vischnaunca, la suprastonza communalala, il cussegl da scola e [la cumissiun da gestiun](#);

Art. 36 Cumpetenzas, al. 1, lit. a

¹a) eleger:

- la cumissiun da gestiun e siu president; (stria)

Art. 52 Cumposiziun

La cumissiun da gestiun secumpona da treis commembers e [seconstituescha sesezza](#). [Ils commembers dalla cumissiun da gestiun astgan buca appartener il medem mument al cussegl da vischnaunca sco al cussegl da scola.](#)

Art. 82 Elecziun cumissiun da gestiun

[La revisiun parziala dils artechels 13 al. 3, 32 lit. b\), 36 al. 1, lit. a\) e 52 ei vegnida approbada ella votaziun all'urna dils 3 da mars 2013. El senn da quellas prescripziuns succeda l'elecziun dalla cumissiun da gestiun el decuors digl onn 2013. La nova cumissiun da gestiun entra en uffeci igl εμπрем da schaner 2014.](#)

Lescha davart ils dretgs politics

Art. 25 Propostas, al. 1

¹Ils vischinadis, partidas politics localas ni gruppas da silmeins 15 votants san proponer entochen 30 dis avon l'elecziun candidats per la suprastonza communalala, per il cussegl da vischnaunca, per il cussegl da scola e per [la cumissiun da gestiun](#). Talas propostas ein da far a scret e d'inoltrar all'administraziun communalala.

Art. 28 Publicaziun e distribuziun, al. 2

²Il medem mument obtegn mintga votant in cedel vit cun mintgamai ina lingia per il president communal, quater lingias numeradas per la suprastonza communalala, 15 lingias numeradas per il cussegl da vischnaunca, ina cun quater lingias per il cussegl da scola ed [ina cun treis lingias per la cumissiun da gestiun](#). Mo cedels ufficials valan sco cedels da votar. Mintga votant indichescha sin quels ils candidats ch'el vul eleger.

Art. 31 Emprem scrutini, al. 4

⁴Per l'elecziun dil cussegl da vischnaunca, dil cussegl da scola e [dalla cumissiun da gestiun](#) vala dall'entschatta enneu il pli relativ.

Art. 38 Entrada en vigur

[Questa lescha passa en vigur cun igl εμπрем da schaner 2014. Cun l'entrada en vigur da questa lescha ein tuttas prescripziuns che stattan en cuntradiziun cun las novas determinaziuns cassadas.](#)

Questa lescha ei vegnida revedida parzialmein entras conclus dil cussegl da vischnaunca dils 14 da zercladur 2013. (*Cunquei ch'igl ei buca vegniu instradau in referendum, passa ella en vigur cun igl empren da schaner 2014.*) La formulaziun sto aunc vegnir cumpletada.

Regulativ da fatschentas

Art. 12 Saramentaziun, al. 2 lit. b

²Silsuenter suonda la saramentaziun ni l'empermischun.

b) dils ulteriurs commembers dil cussegl da vischnaunca, dalla suprastanza communal e dils commembers dil cussegl da scola sco era [dils commembers dalla cumissiun da gestiun](#).

Art. 27 Debatta d'entrada, al. 2

²L'entrada ei obligatoria tier iniziativas, tier il preventiv.... (stria buca correct: [referendum](#))

Art. 44 Ura da damondas, al. 2 tochen 4

²Duront quell'ura san commembers dil cussegl da vischnaunca far damondas che pertuccan in sectur special e selaian rispunder a moda sempl. Talas vegnan buca protocoladas.

³Damondas da pli gronda impurtonza ein d'inoltrar a scret e sil pli tard treis dis avon la seduta alla suprastanza communal.

⁴Las damondas vegnan rispundidas oralmein. Igl [interpellant](#) ha la pussevividad da far ina damonda supplementara. Ina discussiun ha buca liug.

Art. 53 Obligaziuns, al. 2

²Ella sa prender investa dils protocols dallas autoritads communalas, [aschinavon che quels ein d'impurtonza per la revisiun administrativa](#). (stria suenter in interval da treis meins dapi la seduta)

Art. 57 Determinaziuns finalas

Quest regulativ da fatschentas passa en vigur igl empren da schaner 2014. Cun l'entrada en vigur da quest regulativ ein tuttas prescripziuns che stattan en cuntradiziun cun las novas determinaziuns cassadas.

Propostas

Sebasond sin sura ponderaziuns

propo na

la suprastanza communal al cussegl da vischnaunca d'aprobar:

1. la revisiun parzialmein dalla lescha davart ils dretgs politics cun suttametter la lescha al referendum facultativ conform agl art. 36, lit. c dalla constituiun communal.
2. la revisiun parziala dil regulativ da fatschentas.

Suprastanza communal Disentis/Mustér

Il president:

Il canzlist:



Francestg Cajacob



Andri Hendry

Disentis/Mustér, ils 28 da matg 2013

- constituiun communal
- lescha davart ils dretgs politics
- regulativ da fatschentas
- reglament per las elecziuns communalas

Copia a:

- Heinrich Huonder e Wendelin Jacomet, commembers grappa da lavur
- Beat Hosang, commember cumissiun da gestiun